

Headline  
Date  
MediaTitle  
Section  
Journalist  
Frequency  
Circ / Read

**Bengkel bendung gejala seks perlu diperluas**  
**30 Oct 2010**  
**Sinar Harian (Pahang)**  
**NEWS**  
**N/A**  
**Daily**  
**60,000 /**

Language  
Page No  
Article Size  
Color  
ADValue  
PRValue

**Malay**  
**P9**  
**178 cm<sup>2</sup>**  
**Full Color**  
**979**  
**2,937**




# Bengkel bendung gejala seks perlu diperluas

**MENTAKAB** —Masalah sosial seperti kes pembuangan bayi yang tiada kesudahan memperlihatkan kurangnya pengetahuan remaja sekarang khususnya dalam pergaulan seks bebas yang akhirnya menyebabkan bayi tidak berdosa menjadi mangsa.

Justeru, bagi menerapkan pemahaman yang lebih kepada remaja, Kolej Komuniti Temerloh mengambil pendekatan memberi pendidikan berbentuk bengkel 'I'm In Control' kepada 50 pelajarannya.

Pengarahnya Abdul Razak Sabtu berkata, program yang dilaksanakan bersama Lembaga Penduduk Dan Pembangunan Keluarga Negara (LPPKN) Pahang itu di harap dapat meningkatkan kesedaran dan kemahiran remaja dalam menangani gejala sosial khususnya seksual.

Menurutnya, ia mendedahkan para remaja untuk membuat tindakan bijak dalam menangani masalah seksualiti seperti jangkitan tularan seksual, gangguan seksual, penderaan dan rogol.



■ Pelajar Kolej Komuniti Temerloh disoal pegawai dan kakitangan yang terlibat dalam bengkel yang dianjurkan.

“Modul ini dibangunkan LPPKN dengan penglibatan pakar rujuk dari agensi kerajaan dan bukan kerajaan seperti Kementerian Kesihatan Malaysia, Persekutuan Persatuan-Persatuan Kesihatan Reproduksi Malaysia (FRHAM) dan Pusat Kesedaran Wanita.

“Antara kandungan bengkel ini adalah mengenai nilai dan tanggungjawab seksualiti, tingkah laku yang membawa risiko kehamilan, HIV dan Aids.

Abdul Razak berkata, pada masa kini mereka adalah golongan yang sering terdedah kepada tingkah laku yang menjerumuskan mereka dalam kes pembuangan bayi, melakukan hubungan seks bebas dan seks songsang.

“Hasil daripada bengkel I 'm In Control ini akan digunakan bagi menambah baik dan memantapkan lagi pengisian modul melalui maklum balas dan penilaian yang dibuat oleh peserta dan fasilitator,” katanya.